



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

08.07.2022

185-um-son

### **Toshkent davlat yuridik universitetida o'quv jarayoni va uni boshqarishni xalqaro standartlar asosida transformatsiya qilish haqida**

Toshkent davlat yuridik universitetida o'quv jarayoni va uning boshqaruvi samaradorligini oshirish hamda xalqaro standartlarni joriy etish maqsadida

#### **B U Y U R A M A N:**

1. Toshkent davlat yuridik universitetida o'quv jarayoni va uni boshqarishni xalqaro standartlar asosida transformatsiya qilish va kadrlar tayyorlash sifatini oshirish maqsadida:

Toshkent davlat yuridik universitetida o'quv jarayoni va uni boshqarishni xalqaro standartlar asosida transformatsiya qilish bo'yicha Loyiha guruhi (keyingi o'rinlarda – Loyiha guruhi) tarkibi 1-ilovaga muvofiq tasdiqlansin va uning faoliyati 2022-yil 4-iyul sanasidan boshlangan deb hisoblansin;

o'quv jarayoni va uni boshqarishni xalqaro standartlar asosida transformatsiya qilish bo'yicha chora-tadbirlar rejasi 2-ilovaga muvofiq tasdiqlansin.

2. Loyiha guruhi TDYU O'quv ishlari bo'yicha prorektori rahbarligida va uning huzurida faoliyat yuritadi hamda uning asosiy vazifalari etib quyidagilar belgilansin:

Buyuk Britaniya universitetlari bilan hamkorlik o'rnatish va muzokaralar o'tkazish, hamkorlikda transformatsiya jarayonlarini o'tkazish, ekspertlar jalb etish bo'yicha kelishuvlarga erishish;

The Quality Assurance Agency for Higher Education (QAA) standartlarini tahlil qilish, huquqshunoslar tayyorlash bo'yicha ingliz standartlarini joriy etishni nazarda tutuvchi "Universitet – 4.0." konsepsiyasi asosida Universitet faoliyatini transformatsiya qilish rejasi (Yo'l xaritasi)ni ishlab chiqish;

Universitetda o'quv reja va dasturlarini bugungi kun talablari va kelajak yuristlarini tayyorlashga hamda ingliz standartlariga muvofiq fanlarni erta ixtisoslashtirish va chuqur o'rganishga qaratilgan amaliy o'qitishga yo'naltirilgan

ta'lim texnologiyalari asosida tashkil etish bo'yicha tahlillar o'tkazish va takliflar tayyorlash;

iqtidorlarni aniqlash, bilimlarni jamlash, kelajak konsepsiyalarini shakllantirish va ilmiy natijalarni tijoratlashtirish infratuzilmasini yaratish, shuningdek Universitet boshqaruv mexanizmlarini xalqaro standartlar asosida modernizatsiya qilish, akademik mustaqillik doirasida kollegial organlar vakolatini kengaytirish va unda rahbar xodimlar ishtirokini cheklash bo'yicha takliflar ishlab chiqish.

**3. Guruh rahbari (I.Rustambekov):**

guruh a'zolari tomonidan Buyuk Britaniya universitetlari hamda The Quality Assurance Agency for Higher Education (QAA) bilan hamkorlik o'rnatish va muzokaralar o'tkazish ishlarini tashkil etsin;

yuklatilgan vazifalarni o'z vaqtida bajarmayotgan yoki lozim darajada bajarmayotgan xodimlarni guruh a'zolidan chiqarish va o'rniga boshqa xodimlarni kiritish, shuningdek guruh faoliyatiga qo'shimcha a'zolar jalb etish bo'yicha rektorga taklif kiritsin;

har oyda guruh faoliyati, mavjud muammolar va ularni hal qilish yo'llari haqida rektorga va navbatdagi universitet kengashiga axborot kiritsin.

**4. Guruh rahbari loyiha guruhining a'zolarini ularning bajargan ishlar samaradorligidan kelib chiqib bir martalik mukofotlash uchun bildirgi kiritsin.**

**5. Prorektor A.Iminov va Elektron universitet markazi (A.Karimov) bir hafta muddatda Loyiha guruhi uchun maxsus jihozlangan xona yaratish bo'yicha aniq takliflar kiritsin.**

**6. Tarkibiy tuzilma rahbarlari Loyiha guruhiga jalb etilgan xodimlarni boshqa ishlardan ozod etilishini ta'minlasin.**

**7. Devonxona (X.Abdullayev) mazkur buyruqni universitetning barcha tarkibiy bo'linmalariga yetkazish choralari ko'rsin.**

**8. Ushbu buyruqning ijrosini nazorat qilishni o'z zimmasida qoldiraman.**

**Rektor**



**A.TASHKULOV**

Toshkent shahar

### **Kiritildi:**

Boshqarma boshlig'i

S.BOZAROV



### **Kelishildi:**

O'quv ishlari bo'yicha prorektor -  
TDYuU qoshidagi akademik litsey  
direktori

I.RUSTAMBEKOV



Moliya-iqtisod ishlar bo'yicha  
prorektor

A.IMINOV



Xalqaro hamkorlik va uzluksiz ta'lim  
bo'yicha prorektor

D.UMAROV



Ilmiy ishlar va innovatsiyalar  
bo'yicha prorektor

B.XODJAYEV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Katta yuriskonsult

E.XOSILOV



**Toshkent davlat yuridik universitetida o‘quv jarayoni va uni boshqarishni  
xalqaro standartlar asosida transformatsiya qilish bo‘yicha  
Loyiha guruhi tarkibi**

<b>№</b>	<b>F.I.SH.</b>	<b>Lavozimi</b>
1.	Rustambekov Islambek Rustambekovich – Loyiha guruhi rahbari	O‘quv ishlari bo‘yicha prorektor – TDYU huzuridagi akademik litsey direktori
2.	Bozarov Sardor Sohibjonovich – Loyiha guruhi rahbari o‘rinbosari	O‘quv-uslubiy boshqarma boshlig‘i
3.	Boboyeva Go‘zal Nurmatovna	Strategik rivojlanish va xalqaro reytinglarga kirish bo‘limi boshlig‘i
4.	Tojiboev Akbar Zafar o‘g‘li	Ommaviy huquq fakulteti dekan o‘rinbosari
5.	Uzoqov Bobur Uchqun o‘g‘li	Xalqaro aloqalar bo‘limi bosh mutaxassisi
6.	Primqulova Gulnoza Farhod qizi	Ta’lim sifatini nazorat qilish bo‘limi bosh mutaxassisi
7.	Saidov Ibroxim Anvarovich	Biznes huquqi kafedrası o‘qituvchisi

**O‘quv jarayoni va uni boshqarishni xalqaro standartlar asosida  
transformatsiya qilish bo‘yicha chora-tadbirlar rejasi**

<b>№</b>	<b>Tadbir nomi</b>	<b>Amalga oshirish mexanizmi</b>
1.	Buyuk Britaniya universitetlari bilan hamkorlik o‘rnatish, hamkorlikda transformatsiya jarayonlarini o‘tkazish, ekspertlar jalb etish bo‘yicha kelishuvlarga erishish.	Buyuk Britaniya universitetlari tarkibidan eng maqbul hamkorni belgilash, hamkorlik shartnomasi loyihasini ishlab chiqish va kelishishga kiritish.
2.	The Quality Assurance Agency for Higher Education (QAA) standartlarini tahlil qilish.	Buyuk Britaniya oliy ta‘lim, jumladan oliy yuridik ta‘lim standartlari bo‘yicha tahliliy ma‘lumotnoma tayyorlash va rahbariyatga taqdim qilish.
3.	“Universitet – 4.0.” konsepsiyasini tahlil qilish.	“Universitet – 4.0.” konsepsiyasi va uni TDYUda joriy etish bo‘yicha universitet rahbariyatiga taklif kiritish.
4.	Buyuk Britaniya yetuk va hamkor universitetlarining o‘quv reja va dasturlarini tahlil qilish hamda tanqidiy solishtirish.	TDYU o‘quv reja va dasturlarining farqli jihatlarini ko‘rsatib berish va ularni takomillashtirish bo‘yicha takliflar kiritish.
5.	Ingliz standartlariga muvofiq fanlarni erta ixtisoslashtirish va chuqur o‘rganishga qaratilgan amaliy o‘qitishga yo‘naltirilgan ta‘lim texnologiyalari asosida tashkil etish bo‘yicha tahlillar o‘tkazish va takliflar tayyorlash.	Ingliz ta‘lim texnologiyalari va ularni yuridik ta‘limda qo‘llanilishi bo‘yicha tahliliy ma‘lumot tayyorlash va rahbariyatga taqdim qilish.
6.	Buyuk Britaniya standartlari asosida Universitet boshqaruv mexanizmlarini modernizatsiya qilish bo‘yicha takliflar tayyorlash.	Universitet boshqaruv mexanizmlarini modernizatsiya qilish bo‘yicha tahliliya ma‘lumotnoma tayyorlash va rahbariyatga taqdim qilish.
7.	Buyuk Britaniya standartlari asosida Universitet faoliyatini transformatsiya qilish va akkreditatsiyadan o‘tkazish bo‘yicha yo‘l xarita ishlab chiqish.	Xorijiy hamkorlar bilan kelishilgan holda yo‘l xarita loyihasini tayyorlash va rahbariyatga taqdim qilish.
8.	QS va THE xalqaro reytinglarida ishtirok etish va transformatsiya	QS va THE xalqaro reytinglari va ularning yo‘nalishlarida ishtirok etish, universitet statistik ma‘lumotlarini tahlil

	jarayoniga xalqaro reyting talablaridan kelib chiqqan holda takliflar kiritish.	qilish va platformalarga yuklash, transformatsiya jarayonida universitet reytingiga ta'sir qiluvchi parametrlarni tahlil qilish hamda reyting talablaridan kelib chiqqan holda takliflar kiritish.
--	---	--